

Carta para bee bene hebreo

Ube'ta Lli'ñi Diose uni
stichia'nu lua'ahua

1 Tiembu hua'tu uni Diose
lubee bene'ahua enu udetela
huaxi bese nu huaxi forma uni
Diose lubeella scua, equie cuenda'
bee profeta. ²Pero tiembu quie'
unila Diose lua'ahua equie cuenda'
lli'ñinu. Diose ureche' yebee nú
nu' lu iliulabe cuna liñibe equie
cuenda' lli'ñinu. Nu udete'nú yebee
nucua' lu lli'ñinu. ³Lí'inu enu neca
ellie' Diose nú chiqui' ñia rnaa,
nu lí'inu rnangu tucu nú rna Diose,
lí'inu rri'linu nú la nitilu iliulabe
cuna yebee nú nu'lue equie cuenda'
stichia'nu nú chiqui' rlu'cu poder.
Chenu ulaxu nú ulle'canu yebee
lunú nzu zecanu para nú lecaxi
na'ahua nu la lu'cua'ahua dula,
chequie uzucunu cue'tse Pa'nu
Diose chube liñibe, lí'inu enu rlu'cu
ye nú rnibiya'.

Máse neca equie lli'ñi Diose
luquela bee ángele

⁴Nu scua máse neca equie
Jesucristo luquela bee ángele, xne
li'inu necanu lli'ñi e'cu Diose. ⁵Xne
leca xunga uni Diose lu ni'tucu bee
ángelo:

Lí'ilu necalu lli'ñia,
nu desde nee lubea nú li'ilu
necalú lli'ñia.

Nu le'ca né ni Diose lu ni'tucu bee
ángelo:

Lí'á neca pa'lu,
nu li'ilu necalu lli'ñia.

⁶Pero chenu uxe'la Diose lli'ñi
e'cunu lu iliulabe, che uninu:

Yebee ángelea, lu'cu ula'na lu
lli'ñia.

⁷Nu chenu uni Diose equie cuenda'
bee ángele, uninu:

Lí'á ri'a nú neca bee ángelea xi
neca bi,
nu le'ca ri'a nú aca beenu xi
neca quii.

⁸Pero equie cuenda' lli'ñinu, uninu:
Lí'ilu necalu Diose.

Nu lunú rnibiya'lu leca xunga
laxu;
nu ye tiembu rnibiya'lu tucu nú
rialane.

⁹Riu' arqui'lu beenú neca nze'ca
nu rana arqui'lu beenú
necha neca,
enze'e ucañila Diose li'ilu, li'inu
enu neca Diose'lu,
nu rri'linu nú masescalá ñia nzu
arqui'lu,
luquela bee ángelea.

¹⁰Le'ca uninu:

Li'ilu enu rnibiya',
 nu chenu uquixie yeene li'ilu
 ureche'l u ilulabe,
 cuna liñibe nu yebeenú nu' lue.

¹¹ Yebee nucua' nitilu.
 Pero li'ilu, leca xunga laxu nú
 nehuañilu.
 Ye bee nucua' laxu, xi rlaxu
 laquie.

¹² Nu quichilu bee xi rquichi bene
 laquie,
 nu che'elu bee xi xe'e bene xucu
 bene.
 Pero li'ilu leca xunga riña bichia
 nú che'e nú xa necalu,
 nu leca xunga laxu nú
 nehuañilu.

¹³ Diose leca xunga uni lu ni'tucu
 bee ángele:
 Uzucu cue'tsea chube,
 hasta nú ri'a nú nibiya'l lu ye
 bee enu rle lulu.

¹⁴ Xne ye bee ángele necatsia
 beenu espíritu enu sibl' lu Diose,
 nu uxel'a Diose beenu para nú ri'i
 beenu elietsa lubee bene enu lu'cu
 elunehuañi nú leca xunga laxu.

**La tsana' arquia'ahua
 bedichia' nú tsila'ahua**

2 Enze'e, rqui'ña nú ri'i
 caso'ahua nu zucua'ahua
 Stichia' Diose nú ubene'la'ahua para
 nú la tsana' arquia'ahua stichia'nú
 nú nzenala'la'ahua. ²Xne scua tucu
 nú uyalu ye Stichia' Diose nú uni
 bee ángele tiembu hua'tu enze'e
 bee bene enu la zucu' stichia'nú
 bee enu rlu'cu dula, yala bee nze'e
 castiya nú riala zeca bee nze'e. ³Nu,
 ¿xneca tsila'ahua lu castiya cua',
 tunu le'ca nua'ahua la zucu'ahua
 Stichia' Diose, nú rixiule'e nú xneca

tsila'ahua? Nu le'ca li'i Jesucristo
 udixiule'e equie nú xneca tsila'ahua
 hasta hua'tu nu bee bene enu
 ubene' bee bedichia' cua', li'beella
 udixiule'e beellae lua'ahua. ⁴Nu
 scua tucu nú ungutil'a' cada tucu
 bene Espíritu Santo tucu nú niarqui'
 Diose nu equie cuenda' seña, nu bee
 milagro nu cuna ye beenú nzenu
 arqui' bee bene scua ulube' Diose
 nú neli bee bedichia' cua'.

**Equie cuenda' Jesucristo
 riña bee bene liñibe**

⁵Diose la dete' elurnibiya' lubee
 ángele para nú nibiya' beenu elu
 lu'cua'ahua stucu elu nehuañi nú
 necuqui neca nú rniru luhua. ⁶Xne
 tucu luhuare Stichia' Diose nu' tucu
 enu uni:

Diose, ¿ti neca bene ilulabe
 para nú ellu'cu' arqui'l lu
 li'illa?

¿Nu ti neca lli'ñi bene ilulabe
 nú nzenu arqui'l lu?

¿equie cuenda'lla?

⁷Tucu tiembu nú uri'ilu nú
 menula unga neca equienu
 luquela bee ángele,
 pero cheelá uril'u nú neca
 equienu, nu udete'l lu
 elurnibiya' lunu
 para nú nibiya'nu lu ye beenú
 ureche'l lu;

⁸ nu uzelalu nú nibiya'nu lu yeene.
 Chenu udete'l lu elurnibiya' lunu
 para nú nibiya'nu lu yeene, lecaxi
 nú la nibiya'nu lu, añinzca nú
 lá lañia'ahua nú ye nú rnibya'nu
 lu. ⁹Pero nediy'a'ahua nú uyu'u
 tucu tiembu nú Jesucristo unganu
 menola luquela bee ángele. Pero
 nee li'inu rlu'culanu elurnibiya',

nu rlu'cu bee bene ula'na lunu equie nú nehuana ulle'canu chenu ungutinu equie stula yebee bene, nu ungae scua xne seca Diose lia'ahua.

¹⁰Diose ureche' ye beenú nu' nu li'inu rnibiya'nu lu yeene nu li'inu niarqui'nu nú huaxi bee bene ch'u liñibe. Enze'e equie nú nehuana ulle'ca Jesucristo utsa'alunu Stichia' Diose, nu equie cuenda' li'itsianu nu' modo tsila'ahua. ¹¹Bee bene enu la lu'cu dula ante Diose, equie cuenda' Jesucristo leca' xi ná beella. Nu sia Jesucristo nu bee bene enu la lu'cua' dula equie cuenda'nu, nu tucutsia Diose neca pa' beella. Enze'e la tu' Jesucristo nú rrinu nú neca'ahua bichinu. ¹²Tucu nú nequie tucu luguare lu ichi' Stichia' Diose elu rni:

Li'á ixiole'a lubee bichiaa equie cuenda'lu,
nu chenu yiete'sa' beella che ula
beella canto lulu nú rni nú
neca equielu.

¹³Le'ca uninu:

Nzuta' arquia nú Diose ri'i
elietsa lua.
Ca'a nzunua bee bene enu
uliqui' Diose lua.

¹⁴Lunú necache' bee bene rene nu be'la, le'ca scua unga Jesucristo chenu ube'tanu lu iliulabe ungutinu, nu equie cuenda' nú ungutinu uri'iniu ana lu elurnibiya' nú rlu'cu beze'lu lu eluti. ¹⁵Scua uri'iniu para nú tsila'anu bee bene lunú xiqui bee bene eluti, bee bene enu diqui tiembu nehuañi nu xiqui eluti tucu nú xiqui bene patron'lla. ¹⁶Xne lá ye'ta Jesucristo lu iliulabe para nú ri'inu elietsa lubee ángele sino que

ube'tanu lu iliulabe para nú ri'inu elietsa lubee bene enu nzeli arqui' tucu nú uyalí arqui' Abraham Diose.

¹⁷Enze'e unganu tucu nú neca bene lu iliulabe para nú unganu ule'ya enu máse neca equie lu Diose, ule'ya enu neli rua'a arqui' bee bene nu sucu'nu Stichia' Diose nu scua udixiunu stula bee bene.

¹⁸Nu lunú le'ca nehuana ulle'canu, nu ula'na beze'lu nú xa modo la zucu'nu Stichia' Diose, pero lá ri'i ana lunu, enze'e recanu rri'inu elietsa lubee bene enu rla'na beze'lu nú xa modo ri'i dula.

Másela neca equie Jesucristo lu Moisés

3 Enze'e bee sa'a li'ihua bee enu necala bee bene' Diose li'ihua bee enu ucañilanu, para nú acahua bee lli'ñinu, la zañi'hua nú Jesucristo neca ule'ya enu máse neca equie enu nzeli arquia'ahua, li'inu enu uxel'a Diose lu iliulabe.

²Xne Jesucristo neli uzucu' Stichia' Diose nu li'inu enu ucañi Diose para nú zibi'nu lu Diose, tucu nú uzucu' Moisés Stichia' Diose nu uzibi' Moisés lubee bene Israel.

³Pero máse riala zucu' aya bene Jesucristo luquela Moisés, xi neca lu cuenda' tucu bene enu rreche' ni'i ná máse sucu' aya bee bene li'illa luquela ni'i. ⁴Ye bee ni'i nu' tucu bene enu ureche'e, pero Diose ureche' yebee nú nu' lu iliulabe.

⁵Nu uzucu' Moisés Stichia' Diose, nu uzibi'lla lu Diose chenu udete'lla stichia Diose lubee bene Israel para nú ixiole'ella lubee bene Israel lunú xi aca. ⁶Pero Jesucristo neca lli'ñi Diose nu rnibiya'nu lu yebee bene'

Diose. Nu lia'ahua neca'ahua bene'
Diose, tunu la tsana' arquia'ahua
nú nzeli arquia'ahua li'inu, nu ñia
tsu arquia'ahua hasta bichia nú riña
zeca Jesucristo stucu bese.

La aca nzithua

⁷Enze'e tucu nú rni Espíritu
Santo:

Tunu yene'hua Stichia' Diose
bichia quie!.

⁸ La ri'i nzithua arqui'hua tucu
nú uri'i bee bene'ahua
enu udetela chenu lá zucu'
beella Stichia' Diose,
nu udetel beella preu li'inu,
chenu udetel beella lu yuu achi.

⁹ Ze'e lá zucu' bee bene'hua enu
udetela Stichia' Diose,
añinzuca nú ulañi' beella bee
milagro nú uri'inu lubeella,
diqui chiu'a lana lu yuu achi.

¹⁰ Enze'e ulee Diose lubeen bene
ze'e,
nu uninu: "Yelu elliebacu' rri'i
beella,
nu ni' la la'na beella nú ri'i
beella beya' nú xi niarquia
nú ri'i beella."

¹¹ Scua uri'i beella nú ule Diose nu
che uninu tucutsia bese,
nú ni' tucu beella la riña beella
lu yuu elu ucuaqui u'na
Diose lubeella nú tsulachi
beella.

¹² Enze'e, bee sa'a enu nzeli
arquia'ahua Jesucristo ubi'yahua
li'ihua para nú la chu'u elliebacu'
nú necha neca arqui' tá tucuhua
nu che ri'i nucua' nú la chilia'
arqui'hua Diose. Nu che tsana'
arqui'hua Diose li'inu enu nehuañi.
¹³ Mejora cada bichia udu'hua ana

arqui' sa'hua, diqui nú nu' tiempo
nihua lu sa'hua xne canu enta
bichia nú ri'i dula ana luhua, nu
che la zucua'hua Stichia' Diose.
¹⁴Xne tunu neca'la'ahua bee bene'
Jesucristo, diqui tiempu rqui'ña
nú tsuta' arquia'ahua lunú nzeli
arquia'ahua li'inu tucu nú uchili
arquia'ahua li'inu chenu uchili inza
arquia'ahua li'inu.

¹⁵Tucu nú unila lu ichi' Stichia'
Diose nú rni:

Tunu riene'hua Stichia' Diose
bichia quie!,
la ri'i nzithua arqui'hua tucu
nú unga nziti bee
bene enu lá zucu' stichia'nu
hua'tu.

¹⁶Neequie, ¿ta bee bene enu lá
zucu' Stichia' Diose añinzuca nú
ubene' beella nú uninu? ¿Xie' lanú
bee bene Israel enu ulua Moisés
Egipto beella la? ¹⁷¿Nu xie' lanu
le'ca li'ibeella neca enu ule Diose
lu diqui' chiu'a lana, nu li'ibeella
enu uri'i dula nu unguti beella
lu yuu achi la? ¹⁸¿Xie' lanú le'ca
li'ibeella enu uni Diose nú leca
xunga riñabeella lu yuu elu ucuaqui
un'na Diose nú tsulachi beella
xne né zucu' beella stichia'nu
la? ¹⁹Scua rria'ahua beya' nú né
riñabeella lu yuu elu ucuaqui u'na
Diose nú tsulachi beella xne lá chili
arqui'beella nú uni Diose lubeella.

4 Enze'e, tucu nú ucuaqui u'nala
Diose lua'ahua nú liqui'nu
lua'ahua yuu elu tsulachia'ahua,
rqui'ña nú bi'yahua, xne lequie
nú mase nú unilanu scua lua'ahua
canu nu' ta tucu'ahua la ri'i ana
riña ze'e. ²Xne li'iru ubene'la'ru
bee bedichia' nze'ca' Diose tucu

nú ubene'la' beella, pero li'ibeella lia xle'e ubene' beella bedichia' nze'ca' Diose, xne lá chili arqui' beellae. ³Pero lia'ahua enu nzelíla arquia'ahua Stichia' Diose, rlu'cula'ahua elu tsulachia'ahua, pero bee bene enu la chili arqui' li'inu, uninu lubeella:

Equie nú uri'i beella nú ulea
enze'e urililá elliebacu',
nú la zela riña beella luguare
elu tsulachi beella.

Nu hasta chenu ureche' Diose iliulabe che ula'xunu uri'inu riña'nú. ⁴Tucu nú rni tucu luhuare lu ichi' Stichia' Diose, equie cuenda' bichia nú sulachi bee bene:

Nu chenu ulaxu ureche' Diose
iliulabe che bichia achi
utsulachinu.

5Nu le'ca uninu:

Leca xunga chu'u bichia nú
riñahua elu tsulachihua.

6Bee bene enu rlutilá ubene' Stichia' Diose, lá lu'cu beella elu tsulachi beella, xne lá zucu' beella Stichia' Diose, pero nu'sca' bee bene enu rri'i falta nú lu'cu elu tsulachi.

7Enze'e chenu udete huaxi lana, che uliquia'la Diose stucu bichia nu bichia ze'e neca nee. Nu scua tucu nú uni'la'ahua. Nú arre David unilla tucu parte lu ichi' Stichia' Diose:

Tunu yene'hua Stichia' Diose
nee bichia quie',
uri'i casuhua stichia'nu.

8Xne tunu equie cuenda' Josué ulu'cu bee bene Israel elu tsulachi beella, lá ania' Diose equie cuenda' stucu bichia che. ⁹Enze'e hasta nee bichia quie' nu'sca' luhuare elu tsulachi bee bene' Diose. ¹⁰Xne bee bene enu udete'la Diose nú tsulachi,

tsulachi beella equie cuenda' riña' nú rri'i beella, tucu nú utsulachi Diose chenu ulaxu ureche'nu iliulabe.

¹¹Enze'e rqui'ña nú dua'ahua ana arqui'sa'ahua para nú lu'cua'ahua elu tsulachia'ahua, para nú lecati ril'i tucu nú uril'i bee bene enu lá chili arqui' Stichia' Diose. ¹²Xne Stichia' Diose nehuañine nu rlu'cune poder. Máse ratse'e arqui' bee bene luquela nú ratse' tucu espada nú nechiu'u rucu ru'u, nu ratse'e hasta arqui' bee bene cuna Espíritu' bene nu hasta aquié liñi arta' bene, nu equie cuenda' Stichia' Diose rri'i bene beya' tanú neca nze'ca nu tanú la neca nze'ca rri'illa. ¹³Ye nú ureche' Diose la a'chi' necane ante lunu, xne ye nú ri'yanu, nu lu li'inu dete'ahua cuenda lu ye lunúuria'ahua.

Jesucristo neca ule'ya enu máse neca equie

¹⁴Enze'e lunú rlu'cula'ahua tucu ule'ya enu máse rnibiyá', nu li'inu necanu Jesucristo lli'ñi Diose enu nzucu liñibe, rqui'ña nú nzuta' arquia'ahua lunú nzeli arquia'ahua li'inu. ¹⁵Xne Jesucristo enu neca ule'ya enu máse neca equie lua'ahua, li'inu recanu rri'inu elietsa lua'ahua para nú la ri'i dula ana lua'ahua. Xne le'ca li'inu chiqui' huaxi nú nehuana ulle'canu iguale tucu nú nehuana se'ca'ahua, pero li'inu leca xunga uri'inu dula.

¹⁶Enze'e, la chenu arquia'ahua nu' modo chebica'ahua nacua'ahua lu Diose enu seca lia'ahua, para nú hua'a arqui'nu lia'ahua. Nu equie nú secanu lia'ahua, li'inu ri'inu elietsa

lua'ahua, hora nú niarquia'ahua nú ti ri'i elietsa lua'ahua.

5 Yebee bene enu reca ule'ya enu máse rnibiyá! lu beelá bee ule'ya, Diose rcañi li'illa leta bee bene para nú nacu'lla lu Diose equie cuenda' bee bene, nu yalla rdete' cuenda bee bene u'na para nú dete'llae lu Diose cuna bee nañi enu rqui'ña nú ati equie cuenda' stula bee bene. **2**Nu lunú neca ule'ya cua' bene nediyá'lla lunú xa seca bee bene. Enze'e rlu'culla paciencia bee bene enu la ri'ibeya' lunú rri'i, nu cuna bee bene enu rri'i dula ana lu. **3**Nu lunú le'ca nu' chenu rri'i ule'yacua' dula enze'e le'ca riñilla tucu nañi xi neca u'na lu Diose equie cuenda' stulalla, tucu nú rri'illa lu cuenda' stula bee bene. **4**Nu lecati enu aca e'cu ule'ya enu máse rnibiyá! lubeelá bee ule'ya lunú niarqui'tsialla sino que Diose neca enu rcañi li'illa tucu nú ucañinu Aarón. **5**Le'ca scua unga lu cuenda' Jesucristo, lá ninu nú a acanu ule'ya enu máse neca equie lua'ahua, sino que Diose ucañi li'inu chenu uni Diose:

Li'ilu necalu lli'ñia,
nu desde nee lubea lubee bene
nú li'ilu necalu lli'ñia.

6Le'ca rni stucu luguare lu ichi'
Stichia' Diose equie cuenda'nú:
Li'ilu necalu ule'ya diqui tiembu,
tucu nú unga Melquisedec
ule'ya.

7Chenu ube'ta Jesucristo lu iliulabe quie', chiqui' unguna'nú nu juerte unacu'nú lu Diose enu reca tsila'a li'inu lu eluti. Che uri'i caso Diose li'inu nu uri'i Diose elietsa'nú para nú tsalunu Stichia' Diose. **8**Mase nú

lli'ñi Diose necanu pero uzucu'nu nú rni Diose mase nú nehuana ulle'canu. **9**Nu lunú neli uri'inu tucu nú niarqui' Diose nú ri'inu, enze'e equie cuenda' li'inu leca xunga laxu nú sila'a Diose bee bene enu sucu' nú rrinu. **10**Nu Diose neca enu ucañi li'inu para nú acanu ule'ya enu máse neca equie tucu nú unga Melquisedec ule'ya enu unga neca equie.

Rqui'ña nú tsuta'la arqui' bene lunú nzeli arqui' bene Diose

11Huaxisca'lá nú rqui'ña nia luhua equie cuenda' bee nucua', pero chiqui' neríña' nú ixiule'a luhua xa niarquia equie nú chabe' rri'ihua beya!. **12**Hua'tulila nu'luhua Stichia' Diose, neequie hasta rialala nú sete'lahua bee bene Stichia' Diose pero li'ihua rqui'ñiasca'hua enu zete' zeca li'ihua Stichia' Diose nú ungalahua. Li'ihua secahua xi seca tucu endu' me' enu rue' puro chi' enu lacasca' acu ye nú acu. **13**Nu yebee enu neca xi neca endu'me' enu rue' chi' la aca bee nze'e ri'i nze'ca bee nze'e beya' xi rni Stichia' Diose. **14**Pero bee bene enu másela rri'i beya' Stichia' Diose, li'ibeella neca beella xi neca bee enu racula ye nú racu. Xne rri'ilabeella beya' tá nú neca nze'ca nu ta nú necha neca.

6 Enze'e rqui'ña nú la'na'la'ahua nú chulula'ahua stichia' Jesucristo nu la yala nú benchila'ahua lubeenú uzete'ahua hua'tu. Ñialá nú ria'ahua scua, luhuare nú zete'tsiahua xneca modo tsana' arquia'ahua lunú necha neca uria'ahua hua'tu,urre nú xneca

chili arquia'ahua Diose, ²urre xneca rinza bee bene, urre xneca ricu' bene yalla equie stucu bene, urre xneca ri'i Diose nú huañi zeca bee bene enu unguti, urre xneca hualu Diose lu cuenda' bee bene chenu riña bichia nú dete' bee bene cuenda lu Diose. ³Chiqui' fiasca'lá nú nze aca'lá'ahua stichia'nu tunu scua niarqui' Diose nú acane.

⁴Xne bee bene enu recalca Stichia' Diose nu nediyal'a' lunú nu' liñibe, nu nediyal'a' beella xneca neca Espíritu Santo, ⁵nu uri'ilahua beya' nú ñia neca Stichia' Diose nu nediyal'a'hua xneca nibiya' Diose, ⁶nu che la nia' arqui'beella chili arqui'beella bedichia' nze'ca' Jesucristo, li'ibeella chiqui' neríña' nú chenala zeca beella inziu' Diose, xne neca xi neca nú rquie'e zeca beella Jesucristo lli'ñi Diose lu cruse stucu bese para nú ze'ta bee bene li'inu. ⁷Bee bene neca xi neca yuu nú ratse ye inza quiu lu, nu tunu chiqui' ñia unguyu' nú unguyu' lu yuu ze'e para bene enu rri'i riña' lu yuu ze'e che rri'i Diose nú nza nze'cae lu cuenda'lla. ⁸Pero tunu purotsia bee eche cuna bee huañi rayu lu yuu ze'e, che lecaxi sibi'i, nu che nze'ta castiya nú zeca yuu ze'e, nu che chiquine.

Lunú rri'i nú nzuta' arqui' bene

⁹Bee sa'a enu nzeli arquia'ahua Jesucristo, la nia scua lu cuenda'hua xne li'ru nediyal'a'ru nú rri'i nze'cahu, nu scua nzerililáhua lunu riala ri'ihua para nú tsila'ahua lu castiya. ¹⁰Xne Diose, lacanu tucu Diose enu la ri'i tucu nú necane para nú zañi'nu beenú

neca nze'ca uri'ihua cuna ye nú ulube'lahua lunu, nu secahua li'inu nu uri'ihua elietsa lubee salahua enu nzeli arqui' Jesucristo tucu nú rri'isca'hua nee. ¹¹Pero li'ru niarqui'ru nú nzerililáhua scua diqui nú nehuañihua. Nu la llaca'hua nú ri'ihua scua, para nú ati'hu lunú nzrucu luhua nú ati'hu. ¹²La ri'ihua nú aca nebichiuhua sino que uri'ihua tucu nú uri'i bee bene enu uchili arqui' Diose sin nú allaca' beella nucua'a quiebeella nú ati' beella lunú ucuaqui' u'na Diose lubeella nú ati' beella.

¹³Chenu ucuaqui u'na Diose lu Abraham, uninu lu le'catsia li'inu xne lecati stucu enu masela neca equie luquela li'inu, ¹⁴nu uninu lu Abraham: "Li'á neli ri'á nú cha nze'ca lu cuenda'lu nu ri'á nú chiqui' huaxi bee familia'lu lu'culu."

¹⁵Chequie lá llaca' Abraham utsuquiella nú ati'lla lunú uni Diose nú dete'nu lulla. ¹⁶Bee bene, para nú aca acee nú neli tsa'alubeella lunú rnibeella, li'ibeella rqui'ñá nú nibeella nombre' tucu enu máse neca equie luquela li'ibeella.

¹⁷Neequie le'ca esquie, equie nú niarqui' Diose lube'nu lubee bene enu ati' lunú uninu, nu riña tucu bichia nú leca xunga che'enu elliebacu'nu equie nú ucuaqui u'nanu, enze'e uninu lu le'catsia li'inu. ¹⁸Chiucu beenú la rila ureche' Diose, nu necane lunú ucuaqui u'nanu, nu lunú uninu lu le'catsia li'inu nu nediyal'a'ahua nú li'inu la nequichia'nu. Chequie scua chiqui' riu'u ana arquia'ahua para nú nzebicá'lá'ahua lunu para nú ri'inu elietsa lua'ahua, equie nú

nzucula lua'ahua nú neli ri'inu tucu nú unilanu. ¹⁹Nu lunú nediy'a'ahua nú aca tucu nú unila Diose nú aca, enze'e nzuta' arquia'ahua lu stichia'nu tucu nú nzeneta' tucu gancho barco. Nu lunú nzuta' arqui' bene scua nze'tae enza liñibe. ²⁰Elu uyu'ula Jesucristo para nú xa'lalu inziu para lia'ahua, li'inu enu necala ule'ya diqui tiembu, tucu nú unga Melquisedec.

Jesucristo neca ule'ya tucu nú unga Melquisedec

7 Melquisedec unga arre Salem nu ungalla ule'ya' Diose enu nzucu liñibe. Chenu ubenchila' Abraham lu xuu nú uri'illa ana lubee arre enu uliunulla, che uya cha'calu Melquisedec li'illa, nu uri'i le'ya Melquisedec Abraham. ²Che yebeenú uri'i Abraham ana lu xuu, ule'ellae chi'i parte nu udete'lla tucu parte bee nucua' ya Melquisedec. Nú lee Melquisedec rni "arre enu rri'i elu usticia tucu nú necane". Nu lunú ungalla arre eyeche Salem, nu Salem rni "arre enu rri'i nú leca xuu". ³Melquisedec cua' lecati nediy'a' nú ti neca pa'lla cuna na'lla urre ti neca bee bene'lla enu udetela. Lecati nediy'a' xunga unguallla nu xunga unguillla. Li'illa ungalla ule'ya tucu nú neca Jesucristo lli'ni Diose, li'inu enu neca ule'ya diqui tiembu.

⁴Ubi'yacuruhua xneca chiqui'
unga neca equie Melquisedec.
Enze'e hasta Abraham bene'ahua
enu udetela, udete' tucu lu chi'i
parte luyebreenú uri'illa ana ya
melquisedec beenú uri'illa ana
lubee arre enu uliunulla. ⁵Lu ley rni

nú bee ule'ya enu nze'ta lu familia'
Leví rqui'ña nú yucu beella tucu
lu chi'i parte lu ye beenú rlu'cu
bee bene Israel añinzuca nú le'ca
neca beella bene Israel nu nze'ta
beella lu familia' Abraham. ⁶Pero
Melquisedec añinzuca nú lá ye'talla
lu familia' Leví, pero uyuculla nú
neca diezmo' Abraham. Nu uri'i
le'yalla Abraham nu uyuculla
lunú ucuaqui u'na Diose. ⁷Ye'ahua
nediy'a'ahua nú bene enu máse
neca equie nze'e neca enu rri'il'e'ya
bene enu la neca equie xe'ta'!

⁸Yebee ule'ya enu riucu diezmo
ratibeella xi rati beelá bee bene.
Pero Melquisedec enu uyuculla tucu
lu chi'i parte bee stene' Abraham,
lu ichi' Stichia' Diose rni nú neca xi
neca nú nehuañisca' Melquisedec.
⁹Nu chenu udete' Abraham tucu
lu chi'i parte bee stene'lla lu
Melquisedec neca xi neca nú nuula
lu Leví cuna lubee ule'ya enu nze'ta
lu familia' Leví udete' beella tucu
lu chi'i parte bee stene' beella ya
Melquisedec chenu uya cha'calu
Melquisedec Abraham bene'ahua
enu udetela. ¹⁰Xne chenu uya
cha'calu Melquisedec Abraham,
lecasca' Leví tiembu ze'e, pero lu
familia' Abraham nze'ta Leví.

¹¹Tunu equie cuenda' bee ule'ya
Levítas nu' beya' nú lecaxi na
bene lu Diose equie cuenda' ley nú
udete' Diose lubee bene Israel che
la qui'ña nú aye'ta stucu ule'ya tucu
nú ube'ta ule'ya Melquisedec nu
lá ye'talla xi ube'ta Aarón. ¹²Xne
chenu uche'e ule'ya le'ca uche'e
ley. ¹³Nu Jesucristo neca ule'ya
cua' nu lá ye'tanu lu familia' bee
ule'ya. Sino que nze'tanu stucu lu

familia rene, nu ni' tucu familia'nu lá aca ule'ya. ¹⁴Xne nediy'a'ahua nú Jesucristo nze'tanu leta bee familia' Judá, nu lá ni Moisés equie cuenda' bee familia cua' chenu unilla nú ti aca bee ule'ya.

¹⁵Nu achee neca nú Jesucristo neca ule'ya tucu nú unga Melquisedec. ¹⁶Xne lá ye'tanu leta familia' Leví, tucu nú rnibya' ley nú aca bene ule'ya sino que li'inu necanu ule'ya xne leca xunga laxu nú nehuañinu. ¹⁷Xne scua rni lu ichi' Stichia' Diose lu cuenda'nu:

Li'ilu necalu ule'ya nu siempre
necalú ule'ya tucu nú unga
Mequisedec.

¹⁸Scua ulaxu nú rnibya' ley' Moisés xne leca modo nú azib'i lubee bene. ¹⁹Lári'i ley cua' ana nú ahuañi nze'ca bee bene. Pero luhuare' ley cua', nzucu lua'ahua nú ri'i Jesucristo elietsa lua'ahua, xne equie cuenda'nu nu' modo riña'ahua lu Diose.

²⁰Nu scua ucuaqui u'na Diose lua'ahua nú acane. Hua'tu chenu ulluna beella nú neca beella ule'ya lecaxi rcuaqui u'na Diose lubeella. ²¹Pero chenu ucañi Diose Jesucristo, para nú acanu ule'ya, nu Diose uninu lu le'catsia Li'inu, tucu nú rni lu Stichia' Diose:

Diose Pa liñibe uninu lu
le'catsia Li'inu,
nu la che'enu nú rrinu, nu
uninu:
"Li'ilu necalu ule'ya nu siempre
necalú ule'ya,
xi unga ule'ya Melquisedec."

²²Scua nediy'a'ahua nú máse neca nze'ca inziu nú uxal'a Jesucristo para nú riña bene lu Diose liñibe.

²³Tiembu ze'e uhuañi huaxi bee ule'ya nu ni'tucu beella lá huañi diqui tiembu. ²⁴Pero Jesucristo diqui tiembu nehuañinu, enze'e lecati chu'u luhuare'nu. ²⁵Enze'e reca Jesucristo tsila'a bee bene, bee bene enu niarqui' riña lu Diose equie cuenda'nu, xne li'inu diqui tiembu nehuañinu para nú nacu'nu lu Diose equie cuenda' bee bene.

²⁶Enze'e Jesucristo neca ule'ya enu máse neca equie enu rqui'ñia'ahua nú ri'i elietsa'ahua, xne li'inu leca xunga uri'inu dula. Nu lá ri'inu nú necha neca nu lecali xi nanu nu uchiu'unu leta bee bene iliulabe. ²⁷Li'inu lá ri'inu tucu nú rri'i bee ule'ya enu máse neca equie, nú ye bee bichia riñi beella bee nañi xi neca u'na lu Diose equie cuenda' stula beella. Nu chela equie cuenda' stula bee bene. Pero Jesucristo tucutsia bese ungutinu xi neca tucu u'na lu Diose, nu la qui'ñia nú atinu stucu bese. ²⁸Equie cuenda' ley uyu'u bee ule'ya enu máse neca equie, añinzuka nú lá ri'i beella tucu nú necane. Pero cheelá uni Diose lu le'catsia li'inu. Nú lli'ñinu aca ule'ya enu máse neca equie, li'inu enu lecaxi naa lu Diose diqui tiembu.

Jesucristo neca ule'ya enu máse neca equie liñibe

8 Luye nú uni'lala'ahua, lunú máse neca equie necane nú Jesucristo neca ule'ya enu máse neca equie li'inu enu nzucula cue'tse Diose enu chiqui' rnibya' chube liñibe. ²Ze'e necalanu ule'ya, liñi indu nú neli ureche' Diose, nu la necane indu nú ureche' bee bene.

³Ye bee ule'ya enu máse neca equie, riña' nú rri'lbeella neca nú rdete'! beella u'na lu Diose nu riñibella nañi xi neca u'na lunu le'ca scua Jesucristo, li'inu enu neca ule'ya enu máse neca equie lua'ahua nu' tucu nú udete'nu lu Diose. ⁴Tunu nzusca' Jesucristo lu iliulabe quie' ni' lá acanu ule'ya, xne nucua'a bee ule'ya enu rdete' u'na lu Diose tucu nú rnibiya' ley' Moisés. ⁵Pero bee ule'ya quie', rri'itsia beella tucu ejemplu nú reca liñibe. Nediy'a'ahua nú scua necane xne chenu nze reche' Moisés indu uni Diose lulla: "Ubi'ya nze'cacuru para nú reche'lu indu quie' tucu nú ulubela lulu equie dañi Sinaí."

⁶Pero máse neca equie nú rri'i Jesucristo enu neca ule'ya enu máse neca equie lua'ahua, nu equie cuenda' inziu cuqui nú uxal'lanu máse neca nze'ca para nú riña bee bene lu Diose liñibe.

⁷Xne tunu equie cuenda' ley ari'i bene ana ahuañi nze'ca bene lu Diose la qui'ñia' nú achu'u stucu inziu cuqui che. ⁸Pero ulañi' Diose nú lá ri'i nze'ca bee bene che uninu:

Li'á nia nú riña bee bichia nú
chu'u tucu inziu cuqui para
bee bene Israel,
cuna bee bene Judá.

⁹Pero inziu cuqui cua' lacane
tucu nú neca ley
nú utsa'naa lubee bene'hua enu
udetela,
chenu uhua beella Egipto;
nu lunú né zucu'beella nú rnia
enze'e utsana arquia beella,
uni Diose.

¹⁰Nu le'ca uni Diose:
Scua utsa'nalá nú xi zeca bee
bene chenu riña bichia ze'e.

Tsa'naa ley elliebacu' beella
nu ri'á nú quiene liñi
arqui'beella.

Che acaa Diose'beella,
nu li'ibeella aca beella bee
benea.

¹¹Che bichia ze'e la qui'ñia nú zete'
bee bene sa' bene.

Ni' bee bichilla para nú
chulubeella li'á enu neca
Diose,
xne yebeella chulubeella li'á,
desde bee enu me' hasta bee
bene enu unguxu.

¹²Nu li'á ri'á perdona ye beenu
necha neca uril'i beella,
nu leca' xunga ellu'cu' arquia ye
dula nú uril'i beella.

¹³Chenu uni Diose nú xa'llanu inziu
cuquicua' uninu scua xne la zibia'
inziu uxu nú riña bee bene lunu nu
beenú la zibia' la lea' nú nitilu bee
enze'e.

Indu nú nzucu liñibe nu indu
nú nzucu lu iliulabe quie'

9 Lia'ahua nediy'a'ahua nú
chenu uzucu' bene ley nú
rnia'ahua nú neca inziu uxu, lu
ley cua' nze'ta nú xneca ri'i bene
lu Diose chenu neyete' sa'bene
liñi indu, nu xneca reche' bene
indu lu iliulabequie. ²Indu ze'e
neca singue tucu parte liñii elu
uchiu'ulee luhuare elu necachi neca,
liñii ze'e nzucu candelero, nu nzu
mexa elu uricu bee pá nú necale'ya.
³Nu stucu liñii dí'chi cortina nú
nzi'quinala ze'e uchiu'ulee luhuare
elu máse necachi; ⁴luhuare elu lee
máse necachi nzucu tucu ecu'cu
nú necache' oro elu rdu'bene
llene' quie ndixi nu cuna tucu iña

nú nu'che' nú ucuaqui u'na Diose. Diqui tetsu' iñia ze'e nu' oro cuna liñii. Nu liñii nchiñiche' bee quiee nú nequie za' chi'i mandamiento' Diose lu cuna bara' Aarón nú uye' lecatetsu', nu cuna tucu situ nú necache' oro nú nu'che' maná liñi. ⁵Equie iñia ze'e nchiucu' chiucu bee ángele enu lee querubines nu cuna cuaca bee ángele cua' sacu' equie iñia elu rtiqui ule'ya enu máse neca equie rene' bee nañi equie cuenda' stula bee bene. Pero nee la ixiule'esca'a equie cuenda' bee nucua' luhua.

⁶Chenu ulaxu nú ungache' yebee nucua' chequie ye bichia ri'u bee ule'ya liñi indu ze'e pero ri'u'utsia beella luhuare elu necachi ze'e rri'ibeella lunú rqui'ña ri'ibeella. ⁷Pero stucu luhuare liñi indu ze'e elu uchuu'ulee luhuare elu máse necachi ze'e ri'u'utsia ule'ya enu máse neca equie lubeelá bee ule'ya tucutsia bese liñi tucu lana. Nu leca modo chu'ulla luhuare ze'e tunu la uya'lla rene' bee nañi para nú ri'i Diose perdona stulalla nu cuna dula nu rri'i bee bene sin nú ri'illa beya!. ⁸Equie cuenda' bee nucua' rlube! Espíritu Santo lua'ahua nú diquila nú sibi'sca' luhuare elu necachi liñi indu cua', nu leca modo achu'u bee bene stucu luhuare elu lee luhuare elu máse necachi. ⁹Ye beenú unga cua' necatsia tucu ejemplu lua'ahua bee bichia quie' xne bee u'na cuna bee nañi enu udete' bee bene u'na lu Diose, lá zibí' nucua' ache'e elliebacu' bee bene para nú leca xinaa beella lu Diose. ¹⁰Ye bee costumbre nú ulu'cu beella, cuna

lunú udacubeella, nu ungue'beella cuna ye beela beenú uri'ibeella para nú leca xinabeella lu Diose, nucua' neca nú unibiya' ley nú uri'i beella, hasta bichia chenu uche'e Diose yeene.

¹¹Xne nee ube'tala Jesucristo lu iliulabe quie' nu li'inu necanu ule'ya enu máse neca equie lua'ahua, nu equie cuenda' li'inu rlu'cula'ahua nu ucuaqui u'na Diose nú liqui'nu lua'ahua. Nu liñi indu nú uyu'unu máse neca equie, nu máse neca nze'cae, xne lecane lu iliulabe quie' nu lá ureche' bee benene. ¹²Uyu'ula Jesucristo liñi indu nú máse necachi, pero lá chu'ununu rene' bee becerro cuna rene' bee chipa, sino que cuna rene' e'cunu. Nu tucutsia bese uyu'unu nu lá qui'ña nú ri'inu scua stucu bese nu equie cuenda' li'inu utsila'ali'lal'ahua lu dula. ¹³Tiembu nú udetela, rene' bee chipa cuna bee u'na cuna bee tii nú ubiqui ternera bee nucua' utiqui ule'ya equie bee bene, para nú seca beella nú lecaxi naabeella lu Diose. Nu tunu seca beella nú scua leca xinabeella lu Diose. ¹⁴Xaque núa ri'i rene' Jesucristo nú lecaxi na'ahua lu Diose, para nú ria'ahua tucu nú niarqui' Diose enu nehuáni, xne equie nú reca Espíritu Santo, udete' cuenda Jesucristo li'inu xi neca u'na nú lecaxi na lu Diose para nú ungutinu equie cuenda'ahua.

¹⁵Enze'e equie cuenda' Jesucristo rlu'cula'ahua tucu inziu cuqui para nú riña'ahua lu Diose. Xne equie cuenda' nú unguti Jesucristo uri'ilanu perdona stula'ahua cuna stula bee bene enu uyanala

ley, nu atia'ahua lunú ucuaquí u'na Diose lua'ahua nú la laxua!.
16 Xne chenu reche' tucu bene ichi' nū ti bee enu ya'nantu bee stene'lla, la zibi' ichi' quie' mientra nū nehuañilla, **17** hasta chenu ungutilalla zibi' ichi' quie' nu la zibii tunu nehuañisca'lla. **18** Enze'e, hasta hua'tu chenu uquixie nū uzibi' ley nū utsa'na Diose lu Moisés, li'beella udiñibeella bee nañi para nū chiu'u rene. **19** Xne chenu ulaxu nū udixiule'e Moisés luye bee bene yebeenú enta lu ley' Diose, che una'tsellá ichia' sanchi nū netsuu tinda nelu uzucu'lla llí'i tucu ixi' aca nū lee hisopo. Che utse'ellae lu inza nū nucha rene' becerro cuna rene' chipa, nu ucuatsallae equie libro ley cuna equie ye bee bene.
20 Nu unilla: "Rene quie' neca tucu seña nū uliqui'lá Diose ley'nú luhua para nū zucu'huane."

21 Le'ca ucuatsalla rene cua' liñi indu nu equie yebee nū rqui'ña bee ule'ya liñi indu ze'e. **22** Ley cua' rnibiya' nū casi yebee nū aca le'ya cuna rene para nū leca' xi nae lu Diose, xne tunu leca rene leca modo aca perdona stula bee bene.

Rene' Jesucristo xila stula bee bene

23 Enze'e, para nū aca achee nū leca' xina beenú uqui'ña bee ule'ya liñi indu ze'e, rqui'ña nū udiñi beella bee nañi para nū ri'ile'ya beella bee nucua'. Pero bee nucua' necatsiae xi neca tucu seña equie beenú nu' liñibe, xne equie cuenda' bee nū nu' liñibe rqui'ña rene' tucu enu máse seca luquela bee nañi. **24** Nu néchu'u Jesucristo liñi indu nū ureche'e bee

bene, nū necatsia tucu seña nū xa neca liñibe, sino que li'inu uyu'unu liñibe elu rnacu'nu lu Diose equie cuenda'ahua. **25** Jesucristo la qui'ña nū atinu huaxi bese equie cuenda' stula'ahua, lá ri'inu tucu nū uri'i bee ule'ya enu máse neca equie nū za'lana riu'unu beella rene' bee nañi liñi indu, luhuare elu máse necachi neca. **26** Xne tunu scua necane huaxi bese aqui'ña nū unguti Jesucristo hasta chenu uquixie iliulabe. Pero chenu uriña bichia nū uriña Jesucristo lu iliulabe tucutsia bese ungutinu equie cuenda' stula'ahua. **27** Tucu nū tucutsia bese rati bene, nu chela chiulue lu cuenda' bee bene. **28** Le'ca scua tucutsia bese unguti Jesucristo para nū chilanu stula bee bene. Nu chenu nze'tanu stucu bese, la ye'ta'nú para nū chilanu stula bee bene, sino que nze'tanu para nū uya'nú bee bene enu nucua'aquiee li'inu.

10 Xne ley nū udeté' Diose lu Moisés necatsiae tucu seña lunú nzu nū aca, pero la necane nū ungalane lunú nzu nū aca xne mase za'lana rati bee nañi xi neca u'na lu Diose tucu nū rnibiya' ley nū ri'i bee bene, pero leca xunga uriña bichia nū ulle'ca beella nū leca' xina beella lu Diose. **2** Xne tunu equie cuenda' ley leca' xi naa beella, cuna tucutsia bese nū udiñi beella nañi xi neca u'na lu Diose, che la qui'ña' nū ri'i beella scua stucu bese, xne nediyal'a' beella nū urilala stula beella. **3** Pero la tsí'beella scua sino que za'lana ullu'cu arqui'beella stula beella chenu udiñi beella nañi xi neca u'na lu Diose. **4** Xne rene'

bee u'na' cuna bee chipa la acane chilae stula bee bene.

5 Enze'e, chenu ube'ta Jesucristo lu ilulabe, che uninu lu Diose:

Li'ilu la niarqui'lu rene' bee nañi,
ni' ye beela bee u'na nú entayu
bee bene lulu,
enze'e lia uliqui'lu cuerpo nú
rlu'cua.

6 La nia' arqui'lu nú tsiqui' bee
bene nañi xi neca u'na
lulu, ni' rene' bee nañi nú
entayuu beella lulu equie
cuenda' stula beella.

7 Enze'e unia: "Ca'a nzua, Pa
Diose,
uriña para nú ri'á tucu nú
niarqui'lu,
tucu nú nequie lu ichi' stichia'lu
equie cuenda' li'á."

8 Rluti uni Jesucristo nú la niarqui'
Diose rene' bee nañi, ni' bee nañi
enu siqui' bee bene xi neca u'na
lunu, equie cuenda' bee stula bee
bene, tucu nú rnibiy'a ley nú ri'lí
bee bene. **9** Chenu ulaxu nú uni
Jesucristo scua, che le'ca uninu:
"Ca'a nzua Pa Diose uriña para nú
ri'á tucu nú niarqui'lu." Scua urí'i
Jesucristo nú ulaxu nú rnibiy'a ley
nu uxal'anu stucu inziu cuqui nú xa
riña bene lu Diose. **10** Nu nee leca'
xi na'ahua lu Diose equie nú urí'i
Jesucristo tucu nú niarqui' Diose,
nu tucutsia bese ungutinu equie
cuenda' stula bee bene nu leca'
xunga atinu stucu bese.

11 Yebee ule'ya Israel yeye'e la
tsuxé beella nú sibi' beella liñi indu
tucu nú rnibiy'a ley nú ri'ibeella nu
ye bee bichia riñi beella bee nañi
rdete' beella u'na lu Diose. Nu mase

huaxi bese rri'ibeella scua pero la
ri'lí nú riñi beella bee nañi u'na lu
Diose ana nú laxu stula bee bene.

12 Pero Jesucristo tucutsia bese
ungutinu equie stula bee bene, nu
la quiñia nú ri'linu scua stucu bese.
Nu uzucunu cue'tse Diose chíube.

13 Nu ze'e nzuquieno hasta chenu
ri'i Diose nú nibiya'nú luyebee bene
enu rle lunu. **14** Xne equie cuenda'
nú ungutinu tucutsia bese equie
stula bee bene, che leca' xina bee
bene enu nzeli arqui' li'linu diqui
tiembu. **15** Nu lia'ahua nediy'a'ahua
nú neli neca bee nucua' xne equie
cuenda' Espíritu Santo nze'ta
bedichia' nú nequie lu ichi' Stichia'
Diose nú uni Diose:

16 Scua utsa'nalanu bedichia' nú
xi zeca bee bene chenu riña
bichia ze'e,
elliebacu' beella du'a ley.
Nu ria'á nú quiene liñi
arqui'beella.

17 Nu le'ca uni Diose:
Leca' xunga ellucu' arquia
stulabeella nu yebeelá
beenú necha neca
uri'ibeella.

18 Nu lunú neca perdonala stula bee
bene la quiñia' nú uti bee bene nañi
dete' bee bene u'na lu Diose equie
cuenda' stula bee bene

**Rquiñia' nú tsuta' arqui' bee bene
lunú nzeli arqui' bee bene**

19 Enze'e, bee sa'a enu nzeli
arquia'ahua Jesucristo la
lliquia'ahua chua'ahua elu máse
necachi neca nzucu Diose equie
cuenda' rene' Jesucristo. **20** Xne
chenu udete' cuendanu li'linu nú
ungutinu, uxal'anu tucu inziu

cuqui nú rliqui' nú huañili bee bene elu nzucu Diose. ²¹Nu tucu nú rnibiya' Jesucristo lua'ahua, li'inu enu neca ule'ya enu máse rnibiya' liñibe. ²²Enze'e rqui'ña nú diquinu' arquia'ahua chebica'ahua lu Diose cuna lunú neli nzeli arquia'ahua li'inu, cuna lunú lecaxi necha nchiñi elliebacu'ahua nu cuna cuerpo'ahua nú leca' xinaa nú la lu'cua' dula, xi neca chenu apenatsia ungutsa'ahua cuna inza nú leca xina. ²³Enze'e rqui'ña nú tsuta'la arquia'ahua lunú nzeli arquia'ahua Diose, xne li'inu itaa tsa'alunu stichia'nu nú ucuaqui u'nantu lua'ahua. ²⁴Rqui'ña nu cua'na'ahua xa modo ria'ahua elietsa lubee sa'ahua nu zecala'ahua bee sa'ahua nu cuna nú ri'i nze'ca'ahua. ²⁵Le'ca la yala nú tsana' arquia'ahua nú riete'sa'ahua para nú yene'ahua Stichia' Diose la ria'ahua tucu nú rri'i texcua'a bee sa'ahua enu sana' arqui' nú riete'sa' cuna beelá bee sa'ahua, sino que rqui'ña nú dua'ahua ana arqui' bee sa'ahua, xne nediy'aahua nú nze'ta riñala bichia nú riña zeca Jesucristo stucu bese.

²⁶Xne tunu nediy'aal'ahua lunú neli neca nu rri'isca'lal'ahua dula leca' ti stucu enu ati equie cuenda' stula'ahua. ²⁷Lunú nzuquietsia lua'ahua neca elu usticia' Diose nú chiqui' fuerte, lu tucu quii elu riala chue bee bene enu la zucu' nú rninu. ²⁸Chenu la zucu' tucu bene nú rni ley nú udete' Diose lu Moisés, nu nu' chiucu chuna bee bene enu neca testigo nú la zucu'lla nú rni ley cua', che leca' modo nú tsila'allá lu eluti nú riala zecalla. ²⁹Nee uri'ihua

elliebacu', ¿nú masesca'lá castiya riala bee bene enu rri'i elliebacu' nú lecaxi zibi' lli'ñi Diose? Nu rni nú la zibi' rene'nu nú rlube' nú aca tucu nú utsa'nala Diose nú aca, nu rene nú rri'i nú la lu'cua' bee bene dula, nu rnichi'qui' beeí Espíritu Santo. ³⁰Lia'ahua nediy'aahua nú uni Diose: "Li'á detea castiya bee bene nu detea castiya nú riala beeí." Nu le'ca uninu: "Li'á hualune lu cuenda' bee bene enu neca bee benea." ³¹Chiqui' juerte nú zana' bene lu castiya' Diose. Li'inu enu neca Diose enu nehuañi.

³²Pero ullu'cu' arqui'hua xneca ulle'cahuá chenu apenatsia udu'llie'e stichia' Jesucristo arqui'hua. Li'ihua uriqui'hua lunú chiqui' nehuana ulle'cahuá. ³³Nu'hua enu udiquichi'qui' bee bene nu chiqui' nehuana ulle'ca, nu utsequichia' beeí li'ihua ante lubee bene, nu nu'hua lá tsana' arqui' bee sa'hua enu ulle'ca scua. ³⁴Le'ca lá tsana' arqui'hua bee sa'hua enu uyu'u ni'cu', nu mase nú unguxi bee bene stene'hua lá tsu nehuana arqui'hua xne nediy'aahua nú máse seca nú rlu'cuahua liñibe nú leca xunga laxu. ³⁵La tsana' arqui'hua lunú nzuta' arqui'hua Jesucristo, xne lunú nzeli arqui'hua scua che ati'hua lunú huaxi seca. ³⁶La llaca'hua lunú nehuana secahaha para nú ri'ihua lunú niarqui' Diose nú ri'ihua, che ati'hua lunú ucuaqui u'nala Diose luhua nú ati'hua. ³⁷Xne lu ichi' Stichia' Diose rni:

Yamerotsia nze'ta enu
necadichia' nú nze'ta.

Chu nze'tanu la lea'nu.

³⁸Pero bene enu rri'i tucu nú rialane lua huañili nze'e,

lunú nzeli arqui' nze'e li'á,
pero enu sana' arqui' nú nzeli
arqui' li'á la tsu nze'ca
arquia lu nze'e.

39 Pero lia'ahua la neca'ahua xi neca bee bene enu sana' arqui' nú nzeli arqui' Jesucristo xne bee benecua' riala beella castiya' beella, sino que lia'ahua neca'ahua bee bene enu neli nzeli arqui' Jesucristo, para nú lu'cua'ahua elunehuañi nú leca xunga laxu liñibe.

Bee bene enu neli nzeli arqui' Diose

11 Nu nee lunú nzeli arqui'
bene Diose, necane nú nediyal' nze'ca'ahua nú neli aca tucu nú nellua'aquie'ahua nú aca, nu neli nzeli arquia'ahua lunú aca, mase nú la lañia'ahuane. **2** Bee bene'ahua enu udetela uya'na nze'ca beella lu Diose equie nú uchili arqui'beella li'inu.

3 Equie nú nzeli arquia'ahua Diose rria'ahua beya' nú cuna stichianu ureche'nu iliulabe cuna liñibe cuna ye nú nu' lue, nu lecaxi uqui'ñianu nú ureche'nue.

4 Nu Abel lunú diquinu' arqui'lla uchili arqui'lla Diose enze'e máse neca nze'ca u'na nú udetel'la lu Diose, luquela nú udetel' Caín, enze'e uya'na nze'calla lu Diose xne uyucunu u'na nú udetel'lu nu máse nú ungutila Abel pero riene'sca'ahua nú xa uchili arqui'lla Diose.

5 Equie nú uchili arqui' Enoc Diose enze'e nzia nehuañilla liñibe nu lá atilla, nu lá llela' bee bene li'illa xne unguya'la Diose li'illa liñibe. Nu lu ichi' Stichia' Diose rni: "Nú ante nú uya' Diose Enoc

uyu' arqui'nu xneca uhuañilla."

6 Lecati huañi tucu nú riu' arqui' Diose tunu la chili arqui'lla li'inu. Titse bene enu niarqui' chebica lu Diose, rqui'ña nú chili arqui'lla nú nu' Diose nu le'ca rqui'ña nú chili arqui'lla nú dete' Diose nú uninu nú dete'nu lubee bene enu rla'na li'inu.

7 Equie nú uchili arqui' Noe Diose enze'e chenu uni Diose lulla nú aca lunú lasca lañi'lla aca, che uzucu'lla nú uninu, nu ureche'lla tucu barco nú tsila'alla cuna bee bene'lla equie cuenda' nú uni Diose lulla nú nze'ta aca. Nu lunú uchili arqui' Noe Diose unga achee nú zeca bee bene enu lá chili arqui' Diose castiya.

8 Le'ca scua lunú uchili arqui' Abraham Diose, enze'e uzucu'lla nú uni Diose chenu uninu lulla nú uchiu'lla lachilla nu challa lu yuu elu uni Diose nú dete'nu lulla, nu uchiu'lla lachilla nzalla sin nú ri'lla beya' cae. **9** Nu lunú uchili arqui'lla Diose, uzuculla lu iliu nú uni Diose nú dete'nu lulla xi neca tucu bene rene, nu uzuculla liñi carpa le'ca scua uhuañi Isaac cuna Jacob li'ibeella enu le'ca riala yulu ze'e. **10** Scua uhuañi Abraham xne nediyal' nze'ca'lla nú nzialla huañilla eyeche nú ureche' Diose, eyeche nú leca xunga enta bichia nú nitilu.

11 Le'ca scua Sara, lunú uchili arqui'lla añinzuka nú leca modo lu'culla endu', nu le'ca unguxulalla para nú lu'culla endu', pero udu' Diose fuerza'lla para nú acalla naa lu iliu laba nu ulu'culla tucu endu' lunú uchili arqui'lla nú Diose neli sa'alunu stichia'nu. **12** Scua ungae añinzuka nú unguxula Abraham nu

ulu'culla endu', nu ulu'culla huaxi bee familia'lla xi huaxi bee belaa liñibe, cuna xi huaxi bee eyuxi ru'u inzatu' nú leca modo bacu!.

¹³Ye bee benecua' uchili arqui'beella Diose hasta nú unguti beella nu añinzuca nú lá lañi' beella lunú ucuaqui u'na Diose lubeella pero lunú uchili arqui'beella enze'e nediy'a' beella nú aca tucu nú uni Diose lubeella nú aca, nu ñia nzu arqui'beella. Nu nediy'a' nze'ca' beella nú chiucu chuna tsia bichia nze'ta beella lu iliulabe quie' nu la ye'ta beella para nú huañili beella.
¹⁴Nu bee enu rni scua. Scua achee nze'ca rlube' nú rcua'ha beella nú camero aca lachi beella. ¹⁵Xne tunu rri'isca' beella elliebacu' lachi beella elu uchiu'u beella che nu' modo nú abenchila' zeca beella eyeche ze'e. ¹⁶Pero máse rri'ibeella elliebacu' tucu luhuare elu máse neca nze'ca nú neca liñibe. Enze'e la tu' Diose nú necanu Diose' beella, nu utsuche'lanu elu cua'a beella liñibe.

¹⁷Equie nú uchili arqui' Abraham Diose enze'e chenu udete' Diose preu Abraham nú nze utila endu'lla Isaac xi neca u'na lu Diose, uzela Abraham añinzuca nú tuculi' Isaac neca endu'lla, nu añinzuca nú nediy'a'lla nú uni Diose lulla: ¹⁸"Equie cuenda' endu'lu Isaac dala huaxi bee familia'lu." ¹⁹Pero nediy'a' Abraham nú rlu'cu Diose poder para nú ri'linu nú huañi zeca bee benenguti chenu udete Abraham preu scua neca xi neca nú unguti endu'lla nu uhuañi zeca endu'lla lu eluti.

²⁰Le'ca esquie lunú uchili arqui' Isaac Diose, unilla nú cha nze'cae

lu cuenda' endu'lla Jacob nu Esau, nu unilla nú xi enta zeca cada tucu beella.

²¹Le'ca scua lunú uchili arqui' Jacob Diose, le'ca unilla nú cha nze'ca lu cuenda' rucu bee endu' José, chenu yamerotsia atilla. Che uricu'lla yalla equie xcalla nu unacu'lla lu Diose.

²²Le'ca scua, lunú uchili arqui' José Diose, chenu yamero atilla, che unilla nú chiu'u bee bene Israel Egipto, nu unilla lubeenueze'ce ze'e nú xneca ri'inubeella bee arta'lla.

²³Equie nú uchili arqui' pa' Moisés cuna na'lla Diose, chenu unguallala che ucachí' beella li'illa diqui chuna guu equie nú ñia rnalla, nu lá lliqui beella chenu uni arre nú ati ye bee endu' me' enu neca endu' niyu.

²⁴Nu chenu uru'cu Moisés, equie nú uchili arqui'lla Diose, lá niarqui'lla nú acalla endu' xinchiu'cu arre Egipto. ²⁵Para Moisés, máse neca nze'ca nú nehuana zecalla cuna bee bene sa'lla enu neca bee bene Israel, luhuare nú ri'illa dula nú tsana' arqui'lla bee sa'lla para nú lu'culla lunú niarqui'lla nu ri'illa bee nú la zibi!. ²⁶Para li'illa máse neca nze'ca nú nehuana ulle'calla tucu nú ulle'ca Jesucristo, luhuare nú lu'culla ye bee eluxene nú nu' Egipto xne máse nzu arqui'lla lu eluxene nú ati'lla lu Diose.

²⁷Le'ca esquie lunú uchili arqui' Moisés Diose, uchiu'ulla eyeche Egipto nu lá lliquilla mase ulee arre Egipto lulla. Nu utsuta' arqui'lla lu Diose xi neca nú rlañi'lla Diose, li'linu enu la lañi' bee bene. ²⁸Equie

nú uchili arqui' Moisés Diose, uri'illa eliñi baxcu, nu unibiya'lla nú ucuatsa bee bene Israel rene' bee sanchi ru'u bee ni'i beella para nú chenu dete ángele enu ruuti la úti nze'e bee endu' rlu' bee bene Israel.

²⁹Le'ca esquie lunú uchili arqui' bee bene Israel Diose. Enze'e uya'la labe inzatu' nú lee nelu udete beella xi neca tucu yuu bichi. Pero chenu nzedete bee bene Egipto luhuare ze'e, hora ze'e udete zeca inzatu' luhuare ze'e nu unguuti beeí lue.

³⁰Le'ca esquie lunú uchili arqui' bee bene Israel Diose che chenu uza' achi bichia nú rdu' beella vuelta diqui abenchila' eyeche Jericó, che uluquie muro nú necache' abenchila' eyeche ze'e.

³¹Le'ca esquie lunú uchili arqui' una'a huexe enu lee Rahab Diose, utsila'anchu chenu unguuti bee bene lachinchu, bee enu né zucu' Stichia' Diose xne li'inchu uyucu nze'canchu bee bene Israel enu uya tsí'ña eyeche ze'e.

³²Nu huaxi nú niláa luhua, pero leca' tiempo nú ixiule'a luhua equie cuenda' beelá bee bene xi neca lu cuenda' Gedeón, Barac, Sansón, Jefté, David, Samuel nu bee profeta.

³³Ye beella uchili arqui'beella Diose nu uri'ibeella ana lu huaxi nación, nu uri'i beella elu usticia tucu nú necane, nu ulañi' beella nú uyalu tucu nú uni Diose lubeella nú aca, nu utsacu' beella ru'u bee bichiee.

³⁴Le'ca nu' beella enu utsi'qui bee bene lu quii nu lecaxi ulle'ca, nu nu' beella enu utsila'a lubee bene enu niarqui' úti li'ibeella cuna espada, nu uyu'u juerza' beella nu utsu

naaqui arqui'beella, añinzuca nú nechula' nzu arqui'beella, nu uyu'u juerza' beella chenu uri'ibeella xuu. Nu utiliaca' beella bee bene rene enu uliunu li'ibeella. ³⁵Nu le'ca nu' bee una'a enu unguuti bee familia', nu equie nú uchili arqui'beella Diose, che uhuañi zeca bee familia' beella stucu bese. Pero le'ca nu' bee bene enu mase unguuti, pero para li'ibeella máse neca nze'ca nú nehuana zeca beella nu mase nú unguuti bee bene li'ibeella, lá zela beella nú tsana' arqui' beella Diose, para nú lu'cu beella stucu elunehuafí nú necuqui nú máse seca. ³⁶Le'ca nu' beella enu nehuana ulle'ca, utsequichia' bee bene li'ibeella, nu udiñi bee bene li'ibeella, nu ullica'cu bee bene li'ibeella cuna cadena, nu udu' bee bene li'ibeella ni'cu!. ³⁷Le'ca nu' beella enu unguuti bee bene cuna quiee, le'ca nu'beella enu uchiecu' bee bene arli'tilluu cuna sierra, nu nu' beella enu unguuti bee bene cuna espada, le'ca nu' beella enu uyanze enzichiu' enzerquie, nu nehuana ulle'ca beella, nu ulle'ca beella elitsi, nu unguututsia beella iti' sanchi cuna iti' chipa nu nehuana uri'iniu bee bene li'ibeella. ³⁸Uyanzee beella enza lu dañi achi, nu enza dañi nu uya'na beella liñi ye clasia' bee yube!. Bee bene ze'e lá yala nú ahuañi beella lu iliulabe quie' xne neca beella bee bene nze'ca.

³⁹Mase nú yebeella achee nú neli uchili arqui'beella Diose, pero né yucubeella lunú ucuaqui u'na Diose lubeella. ⁴⁰Xne Diose uri'iniu elliebacu' tucu nú máse neca nze'ca

lua'ahua, nu lá acae luego tucu nú uninu lubeella xne niarqui'nú nút junto atia'ahua cuna li'ibeella lunú ucuaquí u'nanu lua'ahua.

La zañia'ahua Jesucristo

12 Enze'e lunú ubene'la'ahua equie cuenda' huaxi bee bene lunú xneca uchili arqui'beella Diose, rqui'ña nút tsana' arquia'ahua ye stula'ahua cuna ye beelá beenú rca nút ria'ahua tucu nút necane, nu la llaca'ahua nút chenala'ahua inzíu nút ulube'la Diose lua'ahua. **2** La yala nút zañia'ahua Jesucristo xne li'inu rri'inu elietsa lua'ahua lunú nzeli arquia'ahua, nu equie cuenda' li'inu nze'ta nút nzeli arquia'ahua tucu nút necane. Li'inu uriquí'nú lunú nehuana ulle'canu lu cruse nu lá tu'nu nút ungutinu scua xne nediyá'nú nút chenu dete nút nehuana zecanu che nze'ta nút ñia tsu arqui'nu, nu nee nzuculanu cue'tse Diose chube liñibe.

3 Enze'e uri'ihua elliebacu' xneca nehuana uri'inu bee bene enu rlu'cu dula Jesucristo para nút la llaca'hua, nu uriquí'ahua luye nút secahua.

4 Xne mase nút nehuana rri'inu bee bene li'ihua, nu rcua'nahua modo nút la ri'ihua nút necha neca pero ni' tucuhua lá uti bee bene. **5** ¿Xie' uzañi'la'ahua xa uni Diose bezete luhua li'ihua enu neca xi neca liñinu la? Lu ichi' stichia'nu rni:

Endua uri'i caso chenu rni
Diose bezete' lulu nu uriquí'
chenu rri'inu nút rri'ilu beya'
nút necha neca nút rri'ilu.

6 Xne li'inu rrinu bezete' luye bee
bene enu neca bee lli'ñinu,
nu rdete'nu castiya bee bene
enu secanu.

7 Enze'e uriquí'ahua chenu rni Diose bezete' luhua xne neca nze'ca nucua' para li'ihua. Ril'inu luhua xi rri'i tucu uzana lu lli'ñilla. ¿Xne xie' nu' bee uzana enu la ni bezete' luhue lli'ñila? **8** Pero nee tunu la ni Diose bezete' luhua tucu nút rri'inu luye beela bee lli'ñinu, che lacahua mero lli'ñinu nu lacanu pa'hua che. **9** Li'ihua nediyá'hua nút lu iliulabequie' chenu unga'ahua endu', uni bee uzana'ahua bezete' lua'ahua para nút zucua'ahua nút uni beella. **10** Bee uzana'ahua lu iliulabe quie' rni bezete' lua'ahua lle'na tiembu nút nehuañia'ahua para nút ria'ahua nút neca nze'ca. Pero Diose rrinu bezete' nút máse neca nze'ca lua'ahua para nút huañia'ahua nút lecaxi na'ahua ante lunu tucu nút lecaxi nanu. **11** Neli nút ni'tucua'ahua la yu' arquia'ahua nút zeca'ahua castiya hora nút se'ca'ahua scua sino que rcuee, pero bee enu rri'i ana nút sucu' nucua' che nehuañi nze'ca nze'e lu Diose nu ñia nzu arqui' nze'e.

La luachuhua Stichia' Diose

12 Enze'e udu'ahua ana arqui'ahua nu ude'te'ahua baluro tucu nút riu'u zeca juerza' tucu bene chenu chiquí' nellacalla. **13** Ucua'nahua nút huañi nze'cahuia tucu nút riala nút huañi bene. Para nút bee bene enu nzu chiucu arqui' lubee nút rri'i la tsana' arqui'beei inzíu' Diose sino que du' beei ana arqui'beei chenala beei inzíu'nu.

14 Ucua'nahua nút huañihua sin xuu cuna ye bee bene nu la ri'ihua dula xne bee bene enu rri'i dula leca modo lañi' bee nze'e Pa'ahua

Diose. ¹⁵Ubi'yahua li'ihua para nū leca ta tucuhua enu huachu elietsa nū niarqui' Diose ri'l luhua para nū leca ta tucuhua enu neca xi neca tucu huañi nū nelá nū rri'i daño nū rri'i nū rnitilu beelá bee sa'ahua. ¹⁶Ni'tucuhua la yala nū ri'ihua eluhuexe nu la luachuhua beenú neca nze'ca nū nze'ta lu cuenda' Diose para nū la zecahua xi ulle'ca Esaú, equie cuenda' tucutsia pliatu entsa' ungüitilla elurnibiya' nū rialalla xi neca endu' rlu nū necalla. ¹⁷Nu li'ihua nediyalhúa nū chenu uniarqui' Esaú nū ri'ile'ya pa'lla li'illa, chequie leca' modo nū ari'ile'ya pa'lla li'illa xi neca endu' rlu nū necalla, mase nū chiqui' unguna'lla pero leca modo nū ache'e lunú uri'illa.

¹⁸Li'ihua lá riñahua dañi elu leca modo na'tsehua, tucu nū uyabica bee bene Israel tiembu ze'e e'ya dañi nū lee Sinaí elu ulañi' beella nū riqui dañi ze'e, nu ulañi' beella tucu llene nū natsacabe utsacu' equie dañi ze'e nu reca tucu biduna nū fuerte equie dañi ze'e.

¹⁹Chequie ubene' beella tucu chii trompeta, nu ubene' beella chii Diose nū rnilubeella. Pero lunú chiqui' xiqui beella nū riene' beella chii Diose, che chiqui' uezquie beella nū la nia'nú lubeella. ²⁰Xne li'ibeella nediyalhúa beella nū chiqui' juerte nū unibiya' Diose lubeella chenu uninu: "Titse bee bene urre bee nañi enu riña nu dí' tetsu' dañi quie' rqui'ñia nū ati nze'e cuna quiee urre cuna lanza." ²¹Chiqui' nelliñi rna nū ulañi' beella enze'e hasta Moisés unii: "Recatse'tsea xne chiqui' xiquia."

²²Pero li'ihua lá alle'cahua scua sinoque uyabicalahua lu Diose. Nu nu'la modo nū xa rñiahua dañi Sión, nū neca Jerusalén liñibe lachi Diose enu nehuañi, elu nucua'a huaxi bee ángele. ²³Ñia nzu arqui'beenu rni beenu bedichia' nze'ca lu Diose elu yetesa' bee bene' Diose bee enu nequiela nombre' lu libro nū nchiucu' liñibe. Ze'e nzucu Diose nu li'etu enu hualue lu cuenda' ye bee bene, le'ca ze'e nzu espíritu' bee bene enu uhuañi tucu nū necane, li'ibeella enu leca xina lu Diose. ²⁴Le'ca ze'e nzucu Jesucristo, li'etu enu uxal'a tucu inzui cuqui para nū riñal'ahua lu Diose. Chenu unguti Abel unacu' quiya rene'lla nu aca elu usticia, pero cuna rene' Jesucristo la acae scua sino que li'etu uti'chianu rene'nu chenu ungutinu para nū lu'cua'ahua perdona equie stula'ahua.

²⁵Enze'e ubi'yahua li'ihua nu la luachuhua Diose enu rni lua'ahua. Xne bee bene enu né ri'l caso nū uni Moises enu udete' Stichia' Diose lubee bene enu udetela lá tsila'a beella lu castiya nu riala beella xne né zucu' beella nū uni Moisés. Enze'e enzalaquie' lia'ahua nu la yala'ahua castiya tunu la ria'ahua caso stichia' Jesucristo, li'etu enu ube'ta enza liñibe para nū ninu lua'ahua. ²⁶Chenu uni Diose lubee bene'ahua enu udetela equie dañi Sinaí, ucuñi luyuu ze'e. Pero nee unizeca'lalu: "Enta bichia nū cuñi zeca luyuu, nu la necane nū luyuu quietsia sino que nuu liñibe." ²⁷Chenu uni Diose nū ri'etu scua stucu bese, nucua' rni nū nitilu Diose yebee nū rcuñi ureche'nu lu

iliulabe quie' nu ria'na beenú leca' modo cuñi. ²⁸Ze'e neca elu liqui' Diose lua'ahua elu rnibya'nu nú leca xunga ntilu, enze'e rqui'ña nú dete'ahua che'tsa lu Diose. Nu lu'cua'ahua ula'na lunu diquinu' arquia'ahua tucu nú riu' arqui'nu, nu la yala nú zañia'ahua nú li'itsianu neca equieno. ²⁹Xne Diose neca xi neca tucu quii llene nú siqui' yeene.

Lunú riala ri'i bee bene enu nzeli arqui' Jesucristo

13 La tsana'hua nú secahua bee sa'hua enu nzeli arqui' Jesucristo. ²La zañi'hua nú ri'i nze'cahuia lubee bene enu rriña ni'hua, xne scua nu' bee bene enu uriña bee ángele' Diose ni'i sin nú ari'i beella beya' nú neca bee bene ze'e' ángele' Diose.

³Ullu'cu arqui'hua bee bene enu nchiñi ni'cu', nu utsi'hua xi neca nú le'ca nuuhua netsehua ni'cu' cuna li'ibeella. Uri'ihua elliebacu' equie cuenda' bee bene enu nehuana seca, nu le'ca utsi'hua xi neca nú le'ca nuuhua nehuana secahua.

⁴Li'ihua enu nechia la ts'i'hua nú neca nucua' xi neca güiita, la zequienuhua una'hua urre niyu'hua xne Diose dete' castiya lubee bene enu rlu'cu stucu una'a urre stucu niyu cuna luyee bee bene enu rri'i eluhuexe.

⁵Latsu arqui'hua lu dimi, ñia utsi' arqui'hua cuna lunú rlu'cuhua xne unila Diose: "Ye bichia nzua cuna li'ilu, nu leca bichia nu tsana arquia li'ilu." ⁶Enze'e diquinu' arquia'ahua nia'ahua:

Diose Pa neca enu rri'i elietsa lua,

la lliquia lu xitse nú ri'inu bee bene li'á.

⁷Ullu'cu arqui'hua bee bene enu unibiya' luhua, li'ibeella enu uzete' li'ihua Stichia' Diose. Ullu'cu' arqui'hua xneca uhuañi beella, nú diquinu' arqui'beella uchili arqui' beella Diose tucu nú uyali arqui'hua Jesucristo.

⁸Jesucristo leca xunga che'e nú ti necanu tucu nú necanu neca' necanu nee nu le'ca necanu diqui tiembu. ⁹La zelahuia nuti zequieno li'ihua luye beenú sete' bee bene enu la zete' stichia' Jesucristo tucu nú necane. Mejora uzelahuia nú ri'i Diose elietsa luhua para nú huañihua tucu nú necane luhuare nú chenalahua bee costumbre nú xi nu' modo nú acu bee bene nu xi leca modo nú acu bee bene, xne bee nucua' lecaxi rri'i elietsa lubee bene ante Diose.

¹⁰Lia'ahua rlu'cua'ahua tucu enu unguti equie cuenda'ahua, li'inu necanu xi neca u'na nú rdete' bene equie cuenda' stula bene tucu u'na nú leca modo acu bee ule'ya enu nzenalasca' ley. ¹¹Sino que ule'ya enu máse neca equie lubeelá bee ule'ya li'illa ruya'lla rene' bee nañi rdetella u'na liñi indu luhuare elu máse necachi para nú lecaxi naa bee bene equie cuenda' stula bee bene. Chequie bee nañi enu unguti ze'e riqui beé ru'u eyeche elu la nucua'a bee bene. ¹²Le'ca scua ulle'ca Jesucristo, ru'u eyeche Jerusalén, unguuti bee bene li'inu para nú lecaxi naa bee bene equie cuenda' rene'nu. ¹³Enze'e rqui'ña nú chenala'ahua Jesucristo mase nú ulua bee bene li'inu ru'u

eyeche Jerusalén, nu mase huaxi
nú nehuana se'ca'ahua tucu nú
ulle'canu. ¹⁴Xne lu iliulabe quie' la
necane elu nehuañilia'ahua, sino
que lia'ahua nellua'a quie'ahua tucu
luhuare elu huañilia'ahua. ¹⁵Enze'e
cuna elietsa' Jesucristo la tsana'
arquia'ahua nú nia'ahua bedichia'
nze'ca lu Diose xne nuacua' neca
xi neca u'na nú rdete'ahua lunu,
nu scua xucu' rua'ahua nú li'inu
necanu Diose'ahua. ¹⁶La zañi'hua
nú ri'i nze'cahuia lubee sa'hua
nu ri'ihua elietsa lubeella lunú
rlu'cuhua, xne nucua' neca xi neca
u'na nú riu' arqui' Diose nú ri'i
bene.

¹⁷Uzu'cu'ahua nú rni bee bene
enu rnibiya' luhua, nu sete' Stichia'
Diose li'ihua ulu'cuhua ula'na
lubeella xne li'ibeella ri'ya beella
li'ihua nú la tsana' arqui'ahua Stichia'
Diose, xne li'ibeella dete'beella
cuenda lu Diose nú xa urí'i beella
luhua. Uri'ihua lunú ri'i nú ñia nzu
arqui'beella, nu la ri'ihua lunú la
yu' arqui' beella, xne lecaxi zibi' nú
la zucu'ahua nú rnibeella.

¹⁸Una'cuhua lu Diose equie
cuenda'rū. Li'iru nediya'rū nú
lecaxi nú necha neca rri'iru, nu
niarqui'rū nú ye nú rri'iru, ri'irune
tucu nú necane. ¹⁹Nacua nu zequiea
luhua nú nacu'ahua lu Diose para nú
la lea' liqui'nú nú nzelabi'ya li'ihua
stucu bese.

Uni Pablo nú cha nze'ca lu cuenda' bee bene

²⁰Diose enu rliqui' nú nzux
arquia'ahua li'linu enu uri'i
nú uhuañi Jesucristo lu eluti,
Jesucristo enu rri'i ucu lia'ahua
tucu nú rriucu tucu bene bee sanchi
nu equie cuenda' nú ungutinu
rlu'cula'ahua tucu inzii para
nú riña'ahua lu Diose nu ze'e la
atia'ahua. ²¹Li'linu ri'linu elietsa
luhua lu yebeenú neca nze'ca
para nú acahua ri'ihua tucu nú
niarqui'nú. Li'linu ri'linu elietsa
lua'ahua para nú aca'ahua tucu
nú niarqui'nú equie nú neca tucu
necatsela'ahua cuna Jesucristo, nu
iLu Jesucristo riala nú lu'cu bee
bene ula'na diqui tiembu! Amén.

²²Bee sa'a enu nzeli arquia'ahua
Jesucristo la aca llene carta quie',
pero nacua luhua nú la leehua
equie cuenda' nú unia bezete' luhua
lu carta quie'. ²³Nu le'ca ixiale'a
luhua nú uchiu'ula sa'ahua Timoteo
ni'cu', nu tunu chu riñalla ca'a che
nzelabi'yaru li'ihua.

²⁴Uri'ihua saludar ye bee bene
enu rnibiya' luhua li'ibeella enu
sete' li'ihua Stichia' Diose cuna
ye beelá bee sa'ahua enu nzeli
arquia'ahua Jesucristo. Nu le'ca
xe'la bee bene Italia saludo luhua.
²⁵Diose ri'i nú chanze'cae lu cuenda'
yehua. Amén.